


不退轉法輪經



百四十一
賴二

48188



法苑珠林卷之九
 帝斷緞昌
 轉
 法苑珠林卷之九
 帝斷緞昌
 轉
 法苑珠林卷之九
 帝斷緞昌
 轉



不退轉法輪經卷第二

賴

僧祐錄云安公涼土異經在北京錄第二譯

聲聞辟支佛品第三

尔時世尊即說偈言

說於四道 佛難思議 若有性者 不退菩提

猶如虛空 無所依止 無任無緣 離於取者

是名為道 得堅固意 乘如是乘 無上救世

不住彼此 不處中流 不著佛道 名須陀洹

一切世間 及佛餘想 究竟彼岸 名須陀洹

滅諸蓋障 顯示佛道 盡一切相 名須陀洹

不高已身 而起佛法 開示知見 入於佛慧

先起我想 顛倒衆惡 如是知已 不著佛道



本疑於佛為得不得究竟無著不取道想
不起戒取善住佛戒常修正勤不取戒想
斷於三結不著三界行於佛道知衆生想
雖修善提而不取想心行寂滅清淨佛道
歡喜布施遠離嗔感住於正命心無戲論
悉捨一切濟苦衆生得無上施名須陀洹
斷數數生無相無著遠離恐怖出世間畏
法及非法一切皆捨不著諸際名世間明
安處四衆而無所畏顯示寂滅淨修佛法
無衆生想亦非實想是名無染分別怖畏
離一切畏亦無死畏處於寂滅離垢安隱
已過憇趣是故不畏善說諸道無漏無相

菩薩之法 示須陀洹 爲諸下劣 故作是說
以巧方便 顯示佛法 爲放逸者 故顯此法
救世世尊 多方便說 隨其本行 而示佛道
阿難當知 是須陀洹 爲小智者 說如是事
不解方便 愚癡狹劣 不識甚深 而生諍訟
以百千法 示須陀洹 須陀洹者 顯菩提法
如是阿難如來等正覺爲諸菩薩摩訶薩以善
方便說須陀洹阿難言云何名如來等正覺爲
菩薩摩訶薩說斯陀含阿難當知菩薩摩訶薩
隨順於智佛智不可思議修無量因亦不取
因相及菩提智能斷一切惑而求佛智慧讚歎
金剛三昧出過一切諸禪定上滅一切結煩惱

閻障悉見於佛得一切佛法平等正觀以無量
因求無所得如佛證法不動衆生亦不動於衆
生之界而取法界無量衆生於曠劫中多所
乏少不能成就菩提之道引諸衆生到不退
轉志求於佛根力覺道禪定解脫名無色定
我今當以如是等法開示衆生今得解悟而
求佛道欲坐道場求如實智通達佛眼不思
議眼為欲利益一切衆生求於佛眼如是智慧
為最為上悉知諸法甚深之相而自於智無所
分別安立衆生住於諸法中使知一切法不住
為得是法而來集會名斯陀含來已見衆生界
及不思議界通達無礙不取境界亦無得無到

云何當有成就衆生不見成就衆生故於一切
法及衆生界非見非不見而知衆生流注法界
明了法界同於菩提解於法界及衆生界無量
佛道無得無分別同於道智近無等智離垢清
淨得無所得證無所證是名真智菩薩摩訶
薩求如是智名斯陀含今時世尊而說偈言

隨順此智者

是名不思議

為求佛慧故

故名斯陀含

無量因緣說

成就菩提道

修行是法故

我常往來求

不動三昧相

滅除煩惱結

是故專修習

成就而不退

亦知法非法

通達無礙相

任諸法實際

修於斯陀含

隨順佛所說

如聞而修行

為得此法故
不動於衆生
衆生無智慧
而求佛智慧
勤修三昧相
諸佛之所行
若得如是法
恒求於佛眼
我今所求者
諸法相真實
是智之所智
恒求如是法

我常往來求
是名斯陀含
愚癡甚苦惱
根力自覺道等
而求佛智慧
是名斯陀含
佛眼難思議
如佛所應求
一切智最上
於智無染著
諸法相真實
利安諸衆生

法界未曾有
寂滅去來相
為欲安立故
禪定及解脫
究竟菩提道
發行而常求
是名斯陀含
為救護依止
是智之所智
是智為最上
心常無所染
一切智中上

是名斯陀含

往來之所求

諦觀於法界

衆生不思議

是名斯陀含

為求衆生界

知衆生界已

不著於衆生

是名斯陀含

而求無所得

若不得衆生

一切法無相

能作如是知

開導諸衆生

雖觀一切法

不見觀察相

執心無亂意

而求諸佛法

如是清淨智

遠離一切垢

不得是智相

是名為求道

開示諸衆生

菩薩所不譏

是名究竟智

為得彼故來

阿難汝當知

為說斯陀含

少智諸衆生

妄想著是非

阿難汝當知

為說斯陀含

使精勤衆生

令作如是解

常善修多聞

決定甚深法

逮得真實義

速成於菩提

阿難是名如來等正覺為諸菩薩摩訶薩方便說斯陀含阿難言云何名如來等正覺為諸菩薩摩訶薩說阿那含佛告阿難菩薩摩訶薩出過一切世間之相究竟佛行心無行處雖知去來而常不取去來之相知一切法無依住亦不來還何以故不見諸法有去無去出過凡夫除凡夫想不著佛想建無住法何以故究竟一切寂滅法界亦不得佛與凡夫差別之相遠離惡道除其貪欲不著眾味離於四食開示知見不取一切六十二見不見有相不著無相悉離有無於諸蓋障作涅

槃相無轉無不轉除惡道垢摧伏衆魔遠離
愚癡拔無明箭竭無明種害無明怨照除欲
瞋斷諸結使開示諸有拔愛欲箭除諸憍慢
曉了陰相究竟明處常樂佛乘不思議乘到
於一切諸法實相菩薩摩訶薩若能如是出
於淤泥離於繫著得本願藏亦得過去未來
諸佛之藏悉於一切伏藏中上亦為過去諸
佛之所建立而心平等不高不下得如是乘
於諸衆生為最為勝第一無上菩薩摩訶薩
究竟佛乘於一切法悉得無相菩薩摩訶薩
於諸法中斷於疑網證不還果復次阿難菩
薩摩訶薩以四弘誓攝取一切衆生安立一

切衆生悉入佛乘任菩提道云何安任菩提
所謂衆生相如實覺悟任衆生界何以故善
知空界不思議界離衆生想何以故是賢聖
界即衆生界不思議界即是空相亦無衆生
離諸結使猶如虛空無形無相實無所有無
染無著知一切衆生皆悉平等不出不沒究
竟菩提離衆生相猶如空界無所覺了何以
故無法可得如是無得即是一切法相及衆
生相心所覺了即非覺了何以故無法可得
如是無得即是無證是故名爲得阿那含一
切衆生一切諸法佛法僧等出如是相名阿
那含尔時世尊即說偈言

不復還來 滅凡夫法 捨世間行 名阿那含
知無來去 無任無依 無有處所 是故不來
捨於凡夫 爲佛救護 更不復來 名阿那含
法無有去 亦無來相 無來無去 名阿那含
斷諸貪欲 不著四食 不退道場 名阿那含
除滅一切 六十二見 而無所去 名阿那含
離一切有 心無常相 解了如實 是故不來
涅槃寂滅 離諸煩惱 滅去來相 是故不來
斷諸惡趣 離一切垢 證於涅槃 是故不來
摧伏怨敵 諸魔軍將 超出假名 是故不來
拔無明箭 害一切愛 棄捨喜欲 是故不來
滅諸結使 開示陰相 得決定智 名阿那含

拔憂惱刺 破憍慢山 善解五陰 名阿那含
究竟照明 莊嚴佛乘 出欲淤泥 名阿那含
悉知伏藏 諸伏藏上 佛所安置 是故不來
安住最勝 佛乘無上 斷除諸結 名阿那含
以四弘誓 建立菩提 住菩提已 是故不來
知諸空界 難可思議 除滅諸想 是故不來
於諸衆生 及法界相 而無所得 是故不來
心無所取 不隨於相 安住菩提 名阿那含
衆生界空 不可思議 知如是法 是故不來
如是阿難 顯示那含 諸無礙相 安立佛法
阿難當知 如來正覺 爲諸菩薩 摩訶薩隨宜
方便說阿 那含佛告 阿難我今 復說菩薩 摩

訶薩阿羅漢滅一切行修佛所行捨諸有爲
而能成熟一切衆生亦斷一切衆生苦惱是
名阿羅漢不得衆生相亦不得苦惱相是名
阿羅漢滅諸取著住於無相知諸法空離一
切相悉無所有除衆生一切妄想顛倒癡惑
了達空法不可思議是阿羅漢得不思議菩
提成就如是法故名阿羅漢如過去諸佛所
應說法未來現在一切諸佛亦如是說立有
戲論具足清白演說真實菩提之法名阿羅漢
安立衆生住菩提道無所取著名阿羅漢應
行諸波羅蜜慈得佛大慈滿足衆生無相之
慈亦能安立一切衆生如是修慈無所分別

不修衆生及以慈相名阿羅漢為一切衆生
說法而於諸法都無所取若能如是名阿羅
漢分別顯示根力覺道於諸衆生無深無著
名阿羅漢善知一切衆生心行發起喜獲能
如是者名阿羅漢演說一切有為諸行而不
取著名阿羅漢亦為諸餘一切衆生說無著
行無取行作如是說名阿羅漢遊諸佛國心
無去相悉到佛所以無相智如佛而見名阿
羅漢若能如是成就佛國具足諸功德亦名
不思議平等無垢清淨福田空行福田阿鞞
跋致福田第一清淨無女人相福田諸離結使
貪欲福田如佛證知能盡一切蓋障福田摧

伏諸魔塵勞福田悉制外道邪見福田一切
福田莊嚴福田離於一切怖畏福田無諍福
田寂滅福田神通福田最勝福田無窟宅福
田無盡福田具足菩薩所行福田得佛自在
最上福田佛所護持福田變化福田亦是法
印仰諸衆生令得安樂巧說福田一切瓔珞
莊嚴佛界決定涅槃寂滅福田亦於一切福
田中上成就如是福田能知一切法不生不
滅名所羅漢除諸深著見未暝者而心不惱
名所羅漢於一切法不取其相名所羅漢滅
除習智修最上智而能遠證名所羅漢以是
威儀建立菩提善提勢力名所羅漢

如是菩提亦名不思議不思議者亦名不動
如是不動能令無數億種衆生安立菩提無
所取著皆任平等同於壞相無所有相知一
切法皆入菩提任無所任阿羅漢如是知已
能為衆生說如斯法而不染著雖有言說亦
無說想度諸衆生亦復不取諸衆生想斷常
二邊於身不動不斷煩惱而離憍慢於一切
法無生寂滅無行不壞色相不壞受想行識
諸凡夫法相而心不動以求解脫安住佛法
亦非安住須陀洹果相解脫斯陀含阿那含
阿羅漢果相解脫妄見一切起諸顛倒取佛
智慧解脫妄見取菩提心解脫妄見修菩提

施解脫妄見修善提戒解脫妄見惱害忍辱
解脫妄見懈怠精進解脫妄見亂想禪定解
脫妄見愚癡智慧解脫妄見聲聞凡夫解脫
妄見父母妻子男女眷屬如是等一切解脫
妄見貪嗜諸欲無量苦惱而生親愛起於染
著是結使法是惱害處於此法中生二種想
為除妄想度脫衆生是名阿羅漢為除利養
貪求妄想及在家出家想於諸鄙賤及最勝
法皆悉平等而亦不見此凡夫法彼是佛法
為斷如是妄想顛倒說解脫法若欲嚴淨佛
國教化成就如是衆生是名涅槃如是衆生
不名涅槃如是衆生生於諸有如是衆生不

生諸有如是衆生行於菩提如是衆生不行菩
提如是衆生毀破禁戒如是衆生受持禁戒如
是衆生名有智慧衆生衆生名無智慧若有如
是起於二心而生妄想爲除如是衆生妄想非
福田非不福田如是衆生勤行精進如是衆生
不勤精進是愚癡法是智人法是女人法是男
子法是聖法是非聖法起於二想爲除如是二心
妄想故菩薩住於不退菩提亦非不退菩提有
授菩提記亦非授菩提記有近菩提坐非近菩
提坐有如是二心起虛妄想如是菩薩逮得菩
提如是菩薩不得菩提真實解脫以要言之著
一切法皆是妄想是故阿難阿羅漢爲斷一切

衆生妄想使得解脫故能如是說無相法是
名菩薩摩訶薩阿羅漢尔時世尊而說偈言
除一切行離生死行出於世間名阿羅漢
滅煩惱結度脫一切諸苦衆生名阿羅漢
不得衆生及諸結使於法無利名阿羅漢
滅除妄想住無妄想以諸法空名阿羅漢
知空最勝而得無相盡一切相名阿羅漢
滅諸衆生一切惡想棄一切想名阿羅漢
除諸邊際得無想法而自證知名阿羅漢
爲得菩提難可思議發勝精進名阿羅漢
若說於法無毀無濁安立菩提名阿羅漢
爲淨福田令衆得樂不得衆生名阿羅漢

若說諸法一切無取無法非法名阿羅漢
覺道根力為衆顯現得第一果名阿羅漢
善知衆生淨於菩提為說是相名阿羅漢
世間所說一切諸行於行無著名阿羅漢
勇猛世尊難思福田隨佛任處為人演說
若欲見佛無見不見如佛所見名阿羅漢
是應福田賢聖福田無上精進名阿羅漢
遠離染欲於瞋不瞋亦說菩提名阿羅漢
知一切法寂滅無相是故菩提名阿羅漢
不動一切諸衆生界令無數億安住菩提
衆生菩提悉任無相知彼平等名阿羅漢
得無等等同一切法而知無相平等菩提

能如是解說名羅漢知如實法清淨無濁
爲衆說法而無所說度無量衆亦無動搖
不得衆生斷常諸邊而衆皆見度脫苦惱
究竟諸法無生無滅而以方便度脫衆生
不壞於色受想行識亦復如是即名解脫
於諸凡夫而無動相建立佛法安住解脫
能令衆生而念果報佛解脫相爲人說法
妄取菩提修行布施持戒忍辱爲除妄想
解怠懶惰取相精進除解脫相羅漢所說
生禪定想愚無智慧爲令解脫說羅漢法
此無相法能除虛妄如是說法名阿羅漢
衆生虛妄取聲聞想無解脫相羅漢說法

父母妻子 愚癡取著 則非菩提 染著生死
兄弟姊妹 妄生親愛 寂滅解脫 名阿羅漢
造諸業行 貪著親愛 見即生戀 本是我親
更相染著 互共親愛 不識離別 今魔自在
不離世間 為最極惡 如是過患 羅漢所說
於諸結使 皆悉覺悟 二俱虛妄 羅漢所說
為利多人 行無戲論 如是解脫 羅漢所說
在家出家 多生妄想 凡愚取著 羅漢解脫
見家繫縛 廣顯正法 凡愚妄想 羅漢解脫
棄捨凡夫 無利佛法 捨利無利 名阿羅漢
見有高下 若干等種 衆生取想 羅漢解脫
成就取想 多所修習 如是著想 善能解脫

得佛福田 究竟真實 妄取是田 羅漢解脫
無滅非滅 亦物非物 雖修菩提 不得菩提
持戒毀戒 有智無智 衆生愚癡 起於二想
人多取著 有若干種 解脫此想 羅漢所說
作福田想 非福田想 無智凡愚 作種種想
於諸女人 及與男子 聖非聖法 作二種心

如是衆生 凡愚無智 取著二想 羅漢解脫
退不退法 有記無記 近坐菩提 不取菩提
得菩提已 畢竟寂滅 永離生死 取涅槃想
斷衆生縛 滅一切相 是故羅漢 名爲解脫
菩薩法尔 現爲羅漢 不起法忍 即羅漢智
如是羅漢 菩薩不譏 心常住於 最上菩提

尔時世尊告阿難言汝今當知是名如來等
正覺為諸菩薩摩訶薩方便說阿羅漢阿難
言云何如來等正覺復為諸菩薩摩訶薩說
名聲聞佛言阿難菩薩能使無量阿僧祇衆生
以佛法聲令一切聞故名聲聞亦令得聞不思
議聲聞不思議聲已而於菩提無有戲論以
清淨聲令彼得聞亦名聲聞又使得聞唯涅
槃樂更無餘樂聞如是聲亦名聲聞又使得
聞根力覺道禪定解脫諸三昧等念處正勤
證於無餘如是之法令無數衆皆悉得聞亦
名聲聞是身苦空無我而諸陰相皆不可得
凡夫愚癡分別此身妄起取著聞如是聲亦

名聲聞又得眼界虛偽不實乃至佛眼皆同
眼界不可思議能令衆生如實而見於一切
法無成就相名成就眼如是法相使衆生聞
名爲聲聞如呼聲響令衆生聞名爲聲聞不
應於聲而妄取著無有聲相亦無所得聞如
是聲名爲聲聞不應於香而取香想亦無所
得譬如有人夢中聞香實無有香於無香中
妄起香想但是顛倒自生分別而取香相凡
愚信受聞如是聲名爲聲聞舌入相空猶如
肉段不能知味亦如聚沫不可爲喻過於喻
故非味非具分別味相實無所得如是味界
及不思議界平等無二離心無念亦無思惟

實無心相聞如是聲名爲聲聞已所知法皆
令他聞名爲聲聞若聞於身分別身相體性
本空非生非不生是名菩提令無量衆得聞
是聲名爲聲聞心性無體實無所有皆如幻
化非生非滅能令衆生皆悉得聞名爲聲聞
佛告阿難聲聞法施不可思議得證是道名
不思議以是不思議法施能生菩提何以故
種子相似生故無果爲果非財施所得從聞
信解名爲聲聞財施微少法施爲上如是法
施不嫉於他亦無施想不著是施譬如幻化
無所分別不生願求不取施想無願求故阿
難當知如是施者成就菩提從聞信解名爲

聲聞盡一切相離諸結使出過聲聞一切僧
上發大音聲演說佛法何以故得具足聲出
過一切諸音聲故出是聲已令聞佛法知諸
聲相非一非異成就正信說法無二亦非不
二聞如是法名爲聲聞亦時世尊而說偈言
無量衆生聞佛法不思議
菩薩廣大辯

是名爲聲聞
令一切悉聞
是樂最第一
諸力及覺道
是名爲聲聞
貪恚癡所侵

聞已信菩提
是名爲聲聞
普令聞寂滅
念處與根等
聞此身苦空
是故分別身

無濁無戲論
聞於涅槃樂
是名爲聲聞
速得於究竟
無有堅實相
亦聞於眼入

非實而見實

衆生多愚闇

凡夫盲無智

若得於佛眼

正見不思議

逮得如是眼

無復諸愚癡

諸法無成就

一切衆生聞

以如是因緣

亦名爲聲聞

一切諸法相

猶如呼聲響

此中無聞者

亦無有說者

令無數衆聞

是名爲聲聞

此中無所聞

亦無染著者

譬如人夢中

雖聞多種香

無一成就者

如是知香體

遠離一切垢

亦無聞香者

菩薩之解脫

多顛倒衆生

聞舌猶肉段

不能得知味

肉段若知味

亦應知平等

分別如是相

貪味爲最惡

此界難思議

是名知於味

決定知味已

菩薩無所著

令眾聞決定

是名為聲聞

觀身分別相

本性空無主

若知於真實

無生無能生

菩提如是相

亦無生能生

普令眾生聞

是名為聲聞

意亦如是知

體性無所有

空無體性故

能令一切聞

如物法無生

無滅亦無二

無相無所見

是名為聲聞

咸使聞其施

法施不思議

修行趣道場

成就於菩提

譬如種種子

各得相似果

修施不思議

證道亦復然

悉施諸財物

法施為最勝

捨心無貪嫉

是名菩提道

心常不取著

雖施無依怙

若能如是施

速證於菩提

能離一切相

悉捨諸結使

無有諸染著

是名為聲聞

其聲深微妙

於諸聲最上

此聲今速聞

佛法不思議

能令一切知

諸聲無所依

非一亦非異

是名為聲聞

欲令一切聞

諸佛之所說

隨所聞法音

皆發於菩提

聞諸福田中

佛福田最勝

隨佛所住處

親近救世尊

使聞三千界

安住於虛空

衆生亦復尔

皆同涅槃相

所說四大界

分別為衆生

猶如虛空相

等於不思議

諸界如是相

亦無有能知

是中無生死

無惱無涅槃

諸法無真實

衆生亦皆然

是名寂滅界

云何見生者

為無量衆生

晝夜常聞知

不著已名利

但為衆生說

當知是聲聞

欲令一切聞

實非聲聞法

但現為聲聞

世雄假名說

諸法中最上

是故知衆生

一切皆如相

是名為聲聞

無漏除繫縛

解脫一切結

而為衆生說

顯示離諸縛

清淨無調戲

見已為人說

佛法皆亦然

不久當得見

如佛所說法

菩薩所修行

於法無染著

是名為聲聞

無縛而清淨

亦使一切聞

如聞而修行

阿難汝當知

我以方便說

如是知聲聞

菩薩無所依

阿難當知是如來等正覺為諸菩薩摩訶薩

方便說名聲聞阿難言云何如來等正覺復
爲菩薩摩訶薩說辟支佛法佛言阿難菩薩
現見一切法云何現見所謂知諸法無諍皆
是假名不壞法性而能見法證法是名辟支
佛佛不思議於一切法及諸衆生同涅槃相
等無差別無形無相清淨寂滅實際衆生際
涅槃際猶如影幻無分齊無所有於此諸際
亦無際相非言非說無所依止亦無所說何
以故如我空無生無滅知衆生際則知法際
生死際即是佛際知如是際是名辟支佛現
知於色色者則名色色陰色陰盡已但有言說
無我我所何以故如說色陰但有言說是空

無生無滅言無言相去何以言說說說是色陰
亦現見受想行識乃至說是識陰知假名識
陰等但有言說言說皆空無生無滅非實非
虛言說尚無何況陰相如是五陰從假名起
是名辟支佛何以故因於名字言說為色色
但假名無因非因說名為因是陰因緣不可
說相一切諸法無依無緣如是覺知名辟支
佛今時世尊而說偈言

現見一切法 皆悉知無諍 不生亦不壞

無有濁亂相 現見一切法 本性皆空寂

體相如是者 則無有決定 現見究竟處

一切法亦然 是名為正智 緣覺不思議

衆生及涅槃

前際不可得

是際無有生

佛亦難思議

如衆生涅槃

無生無出處

若法無生相

是名為涅槃

衆生與涅槃

皆如水中影

有像無衆生

是名為涅槃

如是言說相

知無有衆生

是義應當知

衆生即涅槃

一切言說空

無心亦無法

以言說非言

決定無知者

非言際無依

言說亦無任

如是言說者

衆生不思議

衆生及涅槃

實際非實際

出離得安隱

永趣寂滅宅

一切衆生際

猶如於影響

無因亦無緣

實際不思議

一切諸法本

但以假名說

是際無所有

不得名字相

實際無言說 亦無能知者 以空無實際
衆生不思議 實際無言說 言說無所成
真實相如如 衆生亦無際 言說相自空
非以言故知 如汝之所說 衆生莫能思
如是實際相 非思議能知 是名正覺說
辟支難思議 現見於色陰 但有假名字
如是陰相性 常離於言說 無有真實相
乃名爲出世 如是知諸陰 本性無任處
是色無所有 假名以爲陰 但有空名字
不生亦不滅 言說及諸法 無有決定處
若無有言說 是名說色陰 現見於痛陰
想行亦如是 乃至識陰等 但有假言說

是陰不可說 離於一切相 本性無所有
不生亦不任 如所說真實 遠離一切法
如是知諸相 體性無住處 假名之所說
識陰等亦空 知言說空已 無生亦無滅
言說及諸法 無有決定處 若無有言說
是名爲識陰 是陰離言說 不可得限量
無生無滅相 亦無所依處 解脫諸煩惱
非業非果報 非覺亦非陰 非言非涅槃
是相無決定 亦無有智慧 內外不可得
無懈怠精進 無調戲疑悔 亦無有成就
不驚不怖畏 無有一切色 亦不見於空
無相亦復然 無有一異相 非縛亦非解

一切諸言音

是聲無所入

是名為律陀

非言所能及

究竟現於見

而說無盡法

得是三昧已

不著於言說

此智若現見

等說阿律陀

律陀同諸法

嘿然而演說

於此現見到

不從他因緣

是名為正覺

緣覺不思議

釋二乘相品第四

阿難如是菩薩摩訶薩現知明無明知行無
行知識知識相知名色知名色相知六入知
六入相知觸知觸相知受知受相知愛知愛
相知取知取相知有知有相知生知生相知
老死知老死相修集現見名辟支佛亦時世

尊而說偈言

現見無明而無所知亦無成就如水中影
明亦不動不著於法若不著法是名明相
無明如空一切法相到於現見是名緣覺
若說諸行非內非外亦非從佛而起於行
是行假名決定非有無生無滅猶如虛空
到此現見菩薩無畏是名正覺緣覺難思
知一切法皆如幻化明知幻已是名現見
不如實知是色行處是相分別知識法空
識智非智一切不著若知於法識如幻想
名色因緣皆有為相無決定體亦無成就
離於六入說六入相言說音聲體性皆空

觸無因緣從六入生分別是觸如幻皆空
是觸無體從妄想生觸無真實亦無住處
現見於觸知無觸相成就猒離名辟支佛
若證於受不堅如泡性相皆空究竟無實
斷於愛結得無愛法得盡諸欲是名緣覺
分別於取空無所有如熱時炎無有成就
無有作想生想亦尔知生體性空寂無有
得離於老亦不畏死無所成就不受後有
現見此法無所依止以緣覺聲實修菩薩
阿難汝今當知是如來等正覺為諸菩薩摩
訶薩方便說辟支佛尔時阿難即從座起整
其衣服合掌向佛而說偈言

涅槃非涅槃

救度於世間

猶如空中結

以空而自解

若能如是說

亦名有所說

世尊善方便

而說無著法

尔時阿難說是偈已白佛言世尊一切世間

愚癡所蔽而自欺誑不解如來作假名說信

行法行八輩等法須陀洹斯陀含阿那含阿

羅漢聲聞緣覺尔時佛告阿難汝於過去佛

不忘假名植諸善根以善解假名故不為愚

闇之所劫奪何以故假名諸法如幻如水中

影如熱時炎如呼聲響如是假名阿難汝今

當知不為諸惡之所侵害具足莊嚴而自莊

嚴能知諸法假名因緣無所忘失成就精進

而亦不取精進之相無有忘失得最勝智亦
不取智相尔時世尊即說偈言

愚癡諸衆生 懈怠少智者 則不知假名

應當勤精進 能解於假名 如實知諸音

救度於世間 令得真實智 知假名空已

彼即菩提覺 亦不得菩提 是名說菩提

假名即空相 空不能知空 空但有音聲

離一切諍論 顯示如是義 於空無所取

亦無可證覷 云何有得者 是名為空空

如是阿難當知空法甚深無量不生放逸亦

無所失是名說辟支佛具足行地尔時衆中

有五百億比丘皆得信行從坐而起在出尊

前俱說偈言

離疑得正智

救世無上主

世尊說假名

信行住菩提

今時眾中復有五億法行比丘聞說偈已從

坐而起整其衣服俱說偈言

我等除疑惑

菩提之照明

如來說假法

法行住菩提

今時眾中復有十億八輩比丘聞說偈已從

坐而起住於佛前俱說偈言

我先離疑悔

久修於八輩

如來說假名

八輩住菩提

今時眾中復有十億須陀洹聞說偈已從坐

而起住於佛前俱說偈言

我今蒙照明 救世之聖王

知佛所說法

開示於假名

今時衆中復有二百五萬斯陀含比丘聞說偈已從坐而起住於佛前俱說偈言

我先有取著

而得斯陀含

今離諸妄想

寂靜無戲論

今時衆中復有十億阿那含聞說偈已從坐而起住於佛前俱說偈言

救世無上尊

今我離戲論

拔離果想已

照明菩提道

今時衆中復有三十五億比丘皆住四禪得阿

羅漢聞說偈已從坐而起在於佛前俱說偈言
我今得離垢 自證於無餘 諸乘入一乘
如幻無決定

尔時衆中復有二万比丘聞說偈已從坐而
起住於佛前俱說偈言

我本著妄說

世尊說假名

自謂爲聲聞

住於假名法

尔時衆中復有五千比丘住辟支佛乘聞是
偈已從坐而起住於佛前俱說偈言

我今得現見

爲緣覺菩提

如來說假名

緣覺不思議

尔時衆中復有百万比丘尼取須陀洹斯陀

舍阿那舍阿羅漢果想聞說偈已從坐而起
住於佛前俱說偈言

願於女身相

皆入平等法

世尊無異說

照明為最上

尔時眾中復有八百万優婆塞優婆夷皆作
須陀洹斯陀舍阿那舍阿羅漢果想聞說偈
已從坐而起住於佛前而說偈言

我今心無垢

淨如毗琉璃

今始名出家

得住於佛法

尔時虛空中有六十億那由他諸天以天曼
陀羅華而散佛上於如來前俱說偈言

我先取果想

貪著於諸果

我今悉捨離

始覺菩提道

不退轉法輪經卷第二

賴

狹劣

夾上咸反

惚惱

反二同奴

老

淡

於去反也

怨敵

音上

冤

徒

嗜

音視

鄙賤

反二

碑

美

依怙

下音

嘿

默

二同音

泡

水音拋

炎

音

救

必

祭

奪奪

二同音

反

下



